

ներում և մասնավանդ ծովամերձ քաղաքներում բանող այնամտահայ պան-գոիստ մշակների մեջ: Ակտիվ դեր վերապահելով մշակ դասին, Բաֆֆին հանդիպումներ է ունենում նրա ներկայացուցիչների հետ և ինչպես իր «Կյանքի բովում» գրում էր Շիրվանզադեն, սիրով էր ընդունում ցնցոտիներում կծկված մշեցի մշակներին, խրախուսում նրանց:

Հետագայում Գ. Միրզոյանը հիշում էր այն աշխատանքները, որ Բաֆֆու հետ միասին նրանք կատարում էին արևմտահայ մշակների շրջանում: «Մենք աշխատում ենք այստեղ (Թիֆլիսում) մշեցի, ալուշկերտցի և այլ թուրքահայ համալների մեջ՝ որոշ քաղաքական պրոպագանդ անել, նրանց պատրաստել, երիտասարդ ուժեր ուղարկել երկիրը, ապստամբաշունչ բրոշյուրներ և զենք փոխադրել»⁶³: Մշակների այդ խմբակից դուրս եկան հետագայում իրենց հայդուկային գործունեությամբ նշանավոր դարձած Մարգար վարժապետը, վարդենիսցի Քավոր Պետրոսը և ուրիշներ:

Ազգային-ազատագրական շարժման գլխավոր շարժիչ ուժը տեսնելով հայ ժողովրդի դեմոկրատական խավերի մեջ, Բաֆֆին շանում էր այդ շարժման ոլորտը ներգրավել նաև համալսարանական երիտասարդության առավել «հաջող» մասը, նախապատրաստել նրանց ազատագրական պայքարի հետագա գոտեմարտերին: Սակայն Բաֆֆին, ինչպես և իր ժամանակի շատ գործիչներ, չհասան այն գիտակցությանը, որ ընդհանուր հեղափոխական-ազատագրական շարժումներից մեկուսացած ազգային պայքարն ինքյան չէր կարող ունենալ հաղթանակի ստույգ երաշխիք:

4. ՀԱՅ ԲԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԻ ԶԵՎԱՎՈՐՈՒՄԸ

Հայ ժողովրդի հասարակական մտքի զարգացումն ու ազատագրական շարժումների ծավալումը հրատապ խնդիր էին առաջադրում դասակարգային ուժերի խմբավորման ու քաղաքական կազմակերպությունների ձևավորման համար: Կենսական պահանջ էր դառնում տարերայնորեն բարձրացող ժողովրդական հուզումները մեկ ընդհանուր ընթացքի մեջ զենել ու գլխավորել:

1880-ական թվականներին ազատագրական պայքարի գաղափարը առավել հստակ բնույթ ստացավ շնորհիվ հրիմյանի և Մկրտիչ Փորթուգալյանի ծավալած հասարակական-քաղաքական գործունեության:

Մկրտիչ Փորթուգալյանը 1870-ական թվականների Կ. Պոլսի առաջադեմ երիտասարդների մտավորական շարժումների ակտիվ մասնակիցներից էր, Մինաս Չերաքի, Արփիար Արփիարյանի գործակիցը: Կ. Պոլսի հայրենասերների Միացյալ ընկերությունը հաշվի առնելով Փորթուգալյանի ունակությունները նրան ուղարկեց Վասպուրական՝ դպրոցական գործը գլխավորելու համար: Վառում Փորթուգալյանը լուսավորական լայն աշխատանք ծավալեց. իր շուրջը համախմբելով երիտասարդությունը, ստեղծեց «Առաջադիմական միությունը», որը թաղային ընտրությունների ժամանակ պայքարում էր «Ազատական» կոչվող թեկնածուների համար, դատապարտում հեղափոխական ուժերին՝ Վառի հասարակական կյանքում կարևոր երևույթ էր «Ազգային սահմանադրության տարեդարձի» նշումը 1879 թ., որի ժամանակ «Առաջադիմական միությունը» առաջադրեց զավառներում տարվելիք լուսավորական և ազգային:

63 ՄԻ-ի հայկական մասնաճյուղի արխիվ, ֆ. 4047, գ. 219ա, թ. 62 և հան.

ազատագրական աշխատանքների իր ծրագիրը: Այդ գաղափարների ազդեցության տակ Վանում ստեղծվեց նաև «Զինակիր» ընկերությունը, որի նպատակն էր զենք հայթայթել և Վարազա լեռան բարձունքներում զինավարժությանը զբաղվել:

Այդ ժամանակ Կ. Պոլսից Վան էր եկել նաև ուսուցիչ Տաճատ Պելլերյանը և Անդրեովկասի Նուխի քաղաքից ռուս-թուրքական պատերազմի մասնակից, ռուսական բանակի սպա Սողոմոնյանը, որոնց օգնությամբ Փորթուգալյանը կազմակերպեց «Քաղաքական ակումբ»: Շուտով, սակայն, սկսվեցին թուրքական կառավարության հետապնդումներն ու ձերբակալությունները, «Քաղաքական ակումբը» փակվեց, Տ. Պելլերյանն ու Սողոմոնյանը, խուսափելով հետապնդումից, կարողացան անցնել Կովկաս, Կովկասից Վան ժամանած ազատամիտ երիտասարդներից էին նաև Հովհաննես Երվանյանը, Թովմաս Կինյանը, Մկրտիչ Մեֆիլյանը և ուրիշներ, որոնք զգալի թափ հաղորդեցին մատվորական շարժմանը: Սակայն սրանք ձերբակալվեցին ու բանտ նետվեցին:

Բաֆֆու ազատագրական գաղափարները լայն արձագանք էին գտնում երիտասարդության շրջանում: Այդ գաղափարների ազդեցության տակ ձևավորված Փորթուգալյանի «Հայրենասիրաց ընկերությունը» իր լուռնագր դարձրեց, «զենքով կռվել և ձեռք բերել ազգային փրկությունը»: 1885 թ. հալածանքները ավելի սուր բնույթ ստացան: Խրվմյանը արստրվեց Կ. Պոլիս, Փորթուգալյանը ևս հեռացվեց Վանից: Սակայն նրանք շարունակեցին դործել, հայ ժողովրդի ազատագրման ուղիներ որոնել:

Պոլսից անցնելով արտասահման, Մկրտիչ Փորթուգալյանը 1885 թ. Մարսելում սկսում է հրատարակել «Արմենիա» հայերեն թերթը, որի էջերում մերկացվում էին թուրք փաշաների, քուրդ բեյերի ու սուլթանական կառավարության հալածանքները հայ ժողովրդի նկատմամբ: Թերթը բողոքի ձայն էր բարձրացնում այդ անիրավությունների դեմ և եվրոպական տերությունների ուշադրությունը հրավիրում Հայկական հարցի վրա: «Արմենիան» ժամանակի մամուլի ազատ օրգաններից մեկն էր, որ կարողանում էր անկաշկանդ մերկացնել բռնակալներին: Նա միաժամանակ նշում էր հայ շինականի պայքարի և ազատության ուղիները: Դա բուլղար ժողովրդի ազատագրական պայքարի ուղին էր, որը այնտեղ էր ընդօրինակեին հայերը: Այդ նպատակով էլ Մ. Փորթուգալյանը հաջորդաբար հրատարակում է բուլղարական շարժման և նրա ղեկավարների հերոսական պատմության զրվագները: Հատկապես ազդեցիկ նշանակություն ուներ այն փաստը, որ 1885 թ. բուլղարները զինված ուժով կարողացան Բևուլիի կոնգրեսի որոշմամբ Բուլբուլային թողնված Արենլյան Ռումլիեի գրավել և միացնել Բուլղարիային: Դա ոգևորում էր շատերին և նրանք ձգտում էին նույն ձևով ազատագրել Հայաստանը:

«Արմենիա» թերթի մի խումբ համախոհներ 1887 թ. խնդրում Կարապետ Հակոբյանի նախագահությամբ հիմնադրեցին «Հայկական հայրենասիրաց ընկերությունը» (1891 թ. սկսում է կոչվել «Անգլո-հայկական կոմիտե»): Ընկերությունը 1888 թ. հոկտեմբերից սկսեց հայերեն և ֆրանսերեն հրատարակել «Հայաստան» երկլեզու թերթը՝ Հովհաննես Պրուսալյանի (Ժան Պրուսալի) տնօրինությամբ և Միհրան Սվազյանի ու Ջեմա Մալգոմի խմբագրությամբ:

«Հայաստան» թերթը, գտնվելով անգլիական դիվանագիտության ազդեցության տակ, ձգտում էր շարժել եվրոպական տերությունների և դիվանագետ-

ների գույքը հայերին օգնելու տրամադրություն ստեղծել։ Քերթը դիմումներ էր ուղղում պետական գործիչներին և տպագրում նրանց կարծիքները Հայկական հարցի վերաբերյալ։ Անգլիական պառլամենտում՝ արծարծած խնդիրները և «Կապույտ» գրքի նյութերը լայն արձագանք էին գտնում «Հայաստանի» էջերում։ Գլադստոնը, որն այդ ժամանակ արդեն պաշտոնանկ էր, շարունակում էր հանդես գալ մարդասիրական և ազգերի ազատության մասին իր կեղծ հայտարարություններով։ Անգլիական դիվանագիտությունը, որ Բեռլինի վեհաժողովում Հայկական հարցի ձախողման գործում այնքան խաղախ դեր կատարեց, «Հայաստան» թերթի պատկերմամբ հանդես էր գալիս որպես հայ ժողովրդի միակ բարեկամն ու ազատարարը։

«Արմենիայի» շուրջը համախմբված գործիչները 1889 թ. կազմակերպեցին «Հայոց հայրենասիրական միությունը», որի ծրագրային հիմքը Ռ. Պատկանյանի «Վարդապետության Հայաստանի ազատության» գրքույկն էր։ Միությունը կազմեց նաև 23 կետից բաղկացած կանոնադրություն։ Սակայն մինչև վերջն էլ չհրավիրվեց նախատեսված պատգամավորական ժողովը, շտեղծվեց հատուկ կենտրոնական ղեկավար օրգան։ Կազմակերպության զաղափարական ղեկավարը «Արմենիա» թերթն էր, իսկ Արևմտյան Հայաստանում գործնական կենտրոնը՝ Վանի մասնաճյուղը, որի ղեկավարն էր Փորթուգալյանի աշակերտ Մկրտիչ Ավետիսյանը։ 1894 թ. կազմված այդ մասնաճյուղի ծրագիր-կանոնագիրը պահանջ էր դնում պայքարի միջոցով «իրավունք ձեռք բերել, ինքզինքն ազատորեն կառավարվելու»։

1896 թ. Վանի ազատագրական մարտերի ժամանակ Ավետիսյանը մոտ 1000 հոգուց բաղկացած խմբի գլուխ անցած հերոսական մարտեր էր մղում թուրք շարդարանների դեմ։ «Արմենիա» թերթը և նրա ստեղծած «Հայոց հայրենասիրական միությունը» պրոպագանդում էր անկախ Հայաստան ստեղծելու զաղափարը։ Այդ նպատակին հասնելու համար «Միությունը» ազատագրական պայքարի համար ընդունելի էր համարում բոլոր հնարավոր միջոցները։ «Երբեմն զենքով, երբեմն փողով, երբեմն օտարի օգնությամբ»⁶⁴։ Այդ հոդի վրա էլ ստեղծվում է այն կազմակերպությունը, որի անդամները թերթի անունով կոչվեցին արմենականներ։ Նրանք հայրենասիրական կոչեր էին հռչակում, խնդիր դնում, պատրաստվել ընդհանուր ապստամբության և ազատագրվել սուլթանական լծից։

Արմենականները մերժում էին թուրքական լծի տակ գտնվող ժողովուրդների համատեղ ազատագրական պայքարի հնարավորությունը, Հայ ժողովրդի պայքարի հիմնական նպատակը համարում նրա անկախություն ձեռք բերելը։

Հանդես գալով հայ ազգային-ազատագրական պայքարի շատագույն, արմենականները չդարձան կազմակերպված, կուռ կուսակցություն։ Այնուհանդերձ նրանք զգալի դեր կատարեցին հայ ազատագրական պայքարի զաղափարախոսության և հասարակական մտքի զարգացման ասպարեզում։

* * *

XIX դարի 70—80-ական թվականներին ռուսական քաղաքներում և եվրոպայում ուսում ստացած Անդրկովկասի երիտասարդության լավագույն ներ-

64 «Վարդապետության Հայաստանի ազատության», Մարտի 1891, էջ 5։

հայացողները բուռն կերպով ներգրավվում էին հեղափոխական շարժման մեջ: Հեղափոխական նարոդնիկների շարքերում, օրինակ, ցարիզմի դեմ ակտիվ պայքար էին մղում Կ. Մամիկոնյանը, Ս. Կարդաշյանը, Գ. Աբաղյանը, Հ. Մանուշարյանը, Թամարա Աղամյանը և ուրիշներ: Սակայն 80-ական թվականների ուսկեցիայի պայմաններում նարոդնիկությունը կազմալուծվում, դադարում է գոյություն ունենալ որպես հեղափոխական կազմակերպություն: Նարոդնիկական ինտերնացիոնալիստական կազմակերպությունները քայքայվեցին, առաջացան ազգային խմբեր, որոնք կանգնած էին բուրժուական լիբերալիզմի դիրքերում:

Արևմտյան Հայաստանում ծայր առած ազգային-ազատագրական շարժումներն իրենց սոցիալ-դասակարգային բովանդակությամբ լինելով հակասուլթանական և հակաֆեոդալական, դեմոկրատական բնույթ էին կրում, ունեին առաջադիմական նշանակություն: Այդ հողի վրա էլ Արևմտյան Հայաստանում առաջացան ազգային-ազատագրական գաղափարներ պրոպագանդող մի շարք խմբակներ, կազմակերպվեցին նաև ինքնապաշտպանական զինված ջոկատներ, որոնք մեջ ընդգրկվեցին մտավորականներ, գյուղացիներ, արհեստավորներ, մշակներ:

Արևմտահայերի ազգային-ազատագրական պայքարը մեծ արձագանք գտավ կովկասահայություն մեջ: Թուրքիայում տեղի ունեցող վայրագությունները մեծապես հուզում էին հայ զանգվածներին: Կովկասում, շնայած ցարական կառավարության հետապնդումներին հայերը ոչ միայն նյութական օգնություն էին կազմակերպում իրենց եղբայրներին, այլև զինված խմբերով համայն անցնում էին սահմանը և օգնում արևմտահայությանը: Այդ գործում ակտիվ դեր էին խաղում արուստահմանում և լուսաստանում կազմակերպված մի շարք քաղաքական գաղտնի խմբակները, ընկերություններն ու միությունները, որոնցից հայտնի են «Ուժ», «Հայրենասերների միություն», «Երիտասարդ Հայաստան» և այլն:

Այդ շրջանում էլ սկսում են ձևավորվել հայ քաղաքական կուսակցությունները: Առաջինը «Հնչակ» թերթի շուրջը համախմբված հայ ուսանողների ջանքերով 1887 թ. Ժնևում կազմակերպված «Հայ սոցիալիստ հեղափոխականների կուսակցություն» էր, որն իր տպագիր օրգանի անունով կոչվեց Հնչակյան: Նրա հիմնադիրները՝ Ավետիս Նազարբեկյանը (Նազարբեկ) և Մարո Վարդանյանը (Նազարբեկ), 80-ական թվականների սկզբներին Պետլյուրոզի նարոդովոլյան կազմակերպությանն անդամակցած ուսանողներից էին, որոնք 1883 թ. սկզբներին Փարիզ էին մեկնել սովորելու Սորբոնի համալսարանում: Փարիզում նարոդովոլոցի Հովհաննես Լորիս-Մելիքյանի հետ միասին նրանք հանդիպեցին ռուս նշանավոր նարոդնիկ Պյոտր Լավրովին: 1886 թ. ամուսիններ Ավետիս Նազարբեկյան և Մարո Վարդանյանի տղափոխվել էին Եվլեյցարիա՝ ռուսներու Ժնևի համալսարանում: Այստեղ էլ նրանք Ռուբեն Խանազատյանի, Գաբրիել Կաֆյանի, Սաքո Աղամիրյանի, Հակոբ Մեղավորյանի և Հմայակ Խուչպալյանի հետ հիմնադրում են Հնչակյան կուսակցությանը:

Ավ. Նազարբեկյանը թղթակցում էր Մարսելում հրատարակվող «Արմենիային», սակայն չհամատեղելով ռուս նարոդնիկներից ժառանգած գյուղացիական սոցիալիզմի գաղափարները «Արմենիային» խմբագիր Մկրտիչ Փոթթուգալյանի լիբերալ հայացքների հետ, խզում է կապերը այդ պարբերականից:

«Շնչակը» իր անդրանիկ խոսքն ուղղեց հայ ժողովրդի «կրթված ու հասկացող դասակարգի երիտասարդությանը, նկնելով այն հայացքից, թե լոկ նրա եռանդը, նրա խոսքը, նրա ուժը կարող է բարձրացնել թուրքահայ ընդհանրության խնդրված ոգին և ժողովրդի ոտների տակ պատրաստել հաստատ հող հեղափոխական գործի հաջողության համար»⁶⁵։

1888 թ. «Շնչակ» թերթում հրատարակված հնչակյանների առաջին ծրագրում նշված էր. «Մարդկության ներկա հասարակական կազմակերպությունն ունի իրեն հենարան՝ անարդարությունը, բռնեցրն ու ստրկությունը»։ Տնտեսական անհավասարության հողի վրա առաջացած ճնշողները ստեղծում են «մարդկային հարաբերությունների մեջ անհավասարության անարդարությունը», որ «իրերու այդ կենտոտ ու անիրավ վիճակը կարող է բարեկարգել մի-միայն սոցիալիստական կազմակերպությունը... Սոցիալիստական կազմակերպությունն իրապես կպահպանե մարդկային քնական ու անհերքելի իրավունքները»⁶⁶։ Սակայն այդ բոլորը համարվում էր նրա հեռավոր նպատակը։ Իսկ մոտակա նպատակն էր Արևմտյան Հայաստանում «ձեռք բերել ընդարձակ ուսմակայնական, քաղաքական ազատություն և ազգային անկախություն»⁶⁷։ Ըստ որում պետք է ստեղծվեր օրենսդիր ժողով ընդհանուր և ուղղակի քվեարկությամբ, ապա ապահովվում էր մամուլի, խոսքի, խղճի, ընկերությունների լիակատար ազատություն։ Այդ նպատակին հասնելու համար պետք էր ժողովրդական ապստամբության միջոցով «բռնի կերպով կերպարանափոխել, հեղաշրջել» գոյություն ունեցող թուրքական բռնապետությունը⁶⁸։ Հնչակյանները ռուս նարոդնիկներից որդեգրել էին տեռորը և պայքարի անարխիստական ձևերը։

«Շնչակը» մանր բուրժուական սոցիալիզմի գաղափարներ պրոպագանդող թերթ էր, նա մերժում էր 61-րդ հոդվածի դերը, ձգտում էր հետևել ռուս վտարանդիական (էմիգրանտական) մամուլին, որը Ռուսաստանում ղեկավարում և ուղղություն էր տալիս հակացարական հասարակական մտքին։ «Շնչակի» նպատակն էր այդ նույն դերը կատարել Արևմտյան Հայաստանում։

Հնչակյան կազմակերպություններն են ստեղծվում Տրապիզոնում, Կ. Պոլսում, Բուլղարիայում և այլ վայրերում։ Ռուբեն Խանազատը, Շմայոնը (Գարրիել Կաֆյան) և ուրիշներ այդ կազմակերպության ճանաչված պրոպագանդիստներն էին։ «Շնչակը» մայրենի լեզվով պրոպագանդում էր սոցիալիզմի գաղափարները, տեղեկություններ հաղորդում շահագործվող և շահագործող դասակարգների, կապիտալիստական հասարակարգի տնտեսական ու քաղաքական կառուցվածքի և այլ հարցերի մասին։ Հնչակյանները ձգտում էին սոցիալիզմը կայել, ավելի շուտ հարմարեցնել արևմտահայ գյուղացիական շարժմանը, ազգային-ազատագրական պայքարին։ Ըստ էության, հնչակյանների հակացողունությամբ սոցիալիզմը ռուս նարոդնիկական սոցիալիզմի ձևափոխված տարբերակն էր, որ նրանք ցանկանում էին վերականգնացնել և հարմարեցնել Թուրքիայի պայմաններին։

Սակայն, սոցիալիստական գաղափարները, ինչ ձևով էլ հանդես գային,

65 «Շնչակ», 1887, № 1։

66 «Պատմություն Ս. Գ. Հնչակյան կուսակցության», հ. Ա, Պեյրուք, 1962, էջ 32։

67 Նույն տեղում, էջ 33։

68 Տե՛ս նույն տեղում, էջ 34։

լայն արձագանք էին գտնում երիտասարդության մեջ. Չերնիշևսկին, Գերցենը, Նալբանդյանը շարունակում էին մնալ երիտասարդությանը զաղափարական սնունդ տվող առաջնորդներ: Ժնեի հայ ուսանողները՝ «Հնչակի» հիմնադիրներն ամբողջովին տարված էին ուսն փտարանդիների զաղափարներով:

Կա նամանություն «Հնչակի» առաջին համարների նյութերի և Գերցենի «Կոլոկոլի» միջև: Թերթը չեմ էշեր է նվիրել Չերնիշևսկու, Պ. Լավրովի և ուրիշ ուսն սոցիալիստների հիշատակին: Չերնիշևսկու մահվան առիթով տպագրված հոդվածում գրված էր. «Նիկոլայ Գավրիլովիչը կրթել է ևս բավականաթիվ ուսանող երիտասարդներ, որոնք միշտ կրելով իրենց սրտում մեծ մարտիրոսի վեհ կերպարանը և տոգորված խորին երախտագիտությամբ զենյի նա, ողորում են իրենց մեծ ուսուցչի անփոխարինելի կորուստը»⁶⁹: Հետևելով նարոդնիկների օրինակին, թերթը նշում էր, որ Նվրոլայի ժողովուրդները, տեսնելով կապիտալիզմի բերած ժամանակների շարքները, աշխատում և դործում են այսօր կործանել նրանց անիրավ ռեժիմի կարգերը՝ հանուն սոցիալիզմի, աշակցել... կապիտալիզմի մուտք գործելուն մեր ժողովրդի մեջ:—հանցանք է»⁷⁰:

Կուսակցության ղեկավար Ա. Նազարբեկը, հանդես գալով հնչակյանների ծրագրային դրույթների մեկնաբանությամբ, ցանկանում էր համոզել, թե «սոցիալիզմը դրանք հոսանք չէ հայ կյանքում, այլ ուսմունք, որը դրական հիմքեր ունի հայ իրականության մեջ, որտեղ անհատական արտադրության կից գոյություն ունեն ինչպես արհեստավորների, այնպես և գյուղացիների «համայնքներ»⁷¹: «Հնչակը» կարևոր է համարում, մասնավոր, գյուղական համայնքների առկայությունը. դրանց մեջ նա տեսնում էր «հայ գյուղական համայնական, կոմունական կարգերի, հողատիրական կոմունական կերպերի հիմքերը: Հայաստանում հարատևող գյուղահամայնքների մեջ ծրագրի մեկնաբանողը նշմարում էր գյուղացիական սոցիալիզմի հաղթության զխավոր երաշխիքը: «Մեր, սոցիալիստներին, ամենազխավոր հոգսերից մեկն է... նախազգուշացնել հայ ժողովրդին կապիտալիզմի ախտից,— գրում էր Նազարբեկը,— առաջն առնել Հայաստանում այդ ախտի մուտք գործելուն, կուսակցության «մոտավոր նպատակի», «ռամկավարական-բաղաբական ազատության իրականացումն այն պատճառով է, որ պիտի արգելք դառնա Հայաստանում կապիտալիզմի ներմուտին և պատվանդան լինի «հեռավոր նպատակի»—սոցիալիզմի կառուցման համար»:

Նարոդնիկ-հնչակյանները, կտրված հայ իրականությունից, չէին ցանկանում տեսնել, որ կապիտալիզմը զենուս XIX դ. առաջին կեսից մուտք էր գործել հայ իրականության մեջ և 80-ական թվականներին բուրժուական հարաբերությունները թե՛ տնտեսական և թե՛ հասարակական-բաղաբական կյանքում լուրջ փոփոխություններ էին մտցրել: Ինչպես ուսն նարոդնիկները, հնչակյաններն էլ չանում էին «ապացուցել», որ սոցիալիզմը կարելի է իրականացնել առանց կապիտալիստական արդյունաբերության: Նրանք գտնում էին, որ «Սոցիալիզմն իր իրականացման համար ունի և ուրիշ դրական հիմք հայ ժողովրդի մեջ: Հայտնի են հայ գյուղական համայնական կարգերը, հողատիրության կոմունական կերպերը...»: Այս «Հնչակը» այն միտքն էր քաղողում, որ

69 «Հնչակ», 1889, № 4:

70 «Հնչակ», 1888, № 1:

71 «Հնչակ», 1889, № 1—2:

անհատ գյուղացին շկարողանալով դիմանալ կառավարության ճնշումներին, «միանում է գոյություն ունեցող գյուղական համայնքի հետ, իր հողը դարձնելով սեփականություն այդ համայնքի... ավելի դիմացկուն լինելով իբրև հավաքական ուժ»։ Այս ուղիով, ըստ «Հնչակի», անհատական սեփականությունը դառնում է սեփականություն համայնքի, հայտնվում է ամենահաստատ հիմք սոցիալիզմի ամենագլխավոր պահանջի աջողակ իրագործման—դարձնել հանրական, հավաքական, հանրաժողովրդային սեփականության արդյունագործության ամենանշանավոր գործիքներից մեկը—հողը»։ Եվ, վերջապես, «Հնչակի» նարոդնիկական ուտոպիստական սոցիալիզմի գաղափարն այնպիսի բացարձակ աստիճանի էր հասցվում, որ համոզմունք էր հայտնվում, թե Հայաստանում այդ հիմքի վրա սոցիալիզմը ներկայանում է մեզ իր ամենակատարելագործված կերպարանքով⁷²։ Ահա թե ինչ աստիճանի էր աղավաղվում սոցիալիզմի ուսմունքը հնչակյանների մոտ։ Միանգամայն ակնհայտ է, որ հնչակյանների նարոդնիկական սոցիալիզմը ոչինչ ընդհանուր բան չունի մարքսիզմի հետ։

Հնչակյաններն ամբողջովին ընդունում էին նարոդնիկ-անարխիստների բակունինյան պայքարի մեթոդները, բունտարարությունը, տեռորը։ Հնչակյանները Հայկական հարցի լուծման հնարավորությունն անխուսափելիորեն կապում էին ցուցարարությունների և ղինված ելույթների հետ։ «Միայն այդ դեպքում է, որ հակառակ իր կամքի, զոռով նվթուպան, տեսնելով իր խաղաղությունը խախտված, պարտավորված կլինի վալերացնել հայ ժողովրդի պահանջները»⁷³։

Սակայն, եթե նարոդնիկությունը 70-ական թվականներին հեղափոխական և առաջադեմ ուժ էր, ապա «Հնչակի» ասպարեզ զալու ժամանակ այն քայքայվել էր և վերածվել տեռորիստական խմբի, որը հեղափոխական շարժման մեջ հետադիմական դեր էր կատարում։ Գ. Պլեխանովի «Մեր տարածայնությունները» աշխատությունը, «Աշխատանքի ազատագրության» խմբակը, հակայական անդունդ էին առաջացրել հեղափոխական պայքարի նոր ուժերի և նարոդնիկության միջև։ Հանդես էր եկել հեղափոխական բանվոր դասակարգը, որը սոցիալական պայքարը զնում էր մարքսիստական, գիտական սոցիալիզմի հիմքի վրա։

Եվ սկսած 1891 թ. կյանքի ակնառու փաստերն ստիպեցին հնչակյաններին ընդունել բուրժուական հարաբերությունների զարգացման անհրաժեշտությունը։ Հայ իրականության մեջ («Հնչակը» մինչև անգամ այն միտքն էր հայտնում, որ հայ ժողովուրդը միայն կապիտալիզմի զարգացման մեջ կարող էր գտնել իր տնտեսական ուժը⁷⁴։

Եթե մինչ այդ հնչակյանները Թուրքիան համարում էին հետամնաց ֆեոդալական երկիր, ապա այժմ այն դիտում էին որպես կապիտալիզմի ոլորտը։ Թեև կոխած մի պետություն, որտեղ կատարվում էր «գյուղատնտեսական և համընթաց հին եղանակների» քայքայում։ Մինչև 90-ական թվականները «գյուղացիական սոցիալիզմ» դավանող «Հնչակը» եկավ նույնիսկ այն եզրա-

72 «Հնչակ», 1888, № 1։

73 «Հնչակ», 1888, № 2 և 3։

74 Տե՛ս «Հնչակ», 1891, № 15։

կացություն, թե գյուղացիությունն իր տնտեսական պայմանների բերումով բերդունակ չէր յուրացնելու սոցիալիզմի զաղափարները»⁷⁵:

1897 թ. Նոր ծրագրով հնչակյան կուսակցությունն արդեն հավաստիացնում էր, թե Թուրքիայի արդյունաբերական քաղաքներում հայ գործարանային բանվորների թիվը «սասնելակ հաղարների է հասնում»⁷⁶: Հնչակյաններն սկսում են նույնիսկ պնդել, թե արևմտահայ ժողովուրդն այժմ արդեն թևակոխել է այն շրջափուլը, երբ կարող է և պետք է առաջ շարժվի եվրոպական պրոլետարիատի հետ համաքայլ: Ինչպես գերմանական սոցիալ-դեմոկրատների տեսական օրգան «Դի Նուլե ցայտ» ամսագրում գրում էր Ավ. Նազարբեկյանը, հրնչակյանները տարված էին այն մտքով, թե սոցիալիստական կուսակցությունները կարող են իրենց քարձրացրած ձայնով ազդեցություն գործել Եվրոպայի հասարակական կարծիքի և եվրոպական պետությունների վրա՝ օգնության հասնելու արդյան մեջ խեղդվող հայ ժողովրդին՝ Հայկական հարցի լուծման համար»⁷⁷:

Հնչակյաններն ընդունում էին երկու հակադիր դասակարգերի՝ հայ բուրժուազիայի և բանվոր դասակարգի հանդեմ գալը⁷⁸: Նրանք համոզվել էին նաև գյուղական համայնքի մասին ուսումնարողներից որդեգրած տեսության անհաստատ լինելու մեջ: Եվ, վերջապես, նրանք ընդունում էին, որ հեղափոխականները պետք է հետևեն Մարքսի տեսությանը և այն դիտեն որպես միակ ճշմարիտ գիտություն: Այս բոլորը, սակայն, ընդունում էին ձևականորեն. մարքսիզմի ոգին ըստ էության նրանց համար մնում էր խորթ ու անհասկանալի:

Հայ ժողովրդի ազատագրման գործում հնչակյանությունը կանգնում է երկվության առջև. նրա մոտակա նպատակն էր, ազգայնական-նարոդնիկական քործիակերպով, բուհաբարական, տեոքրիստական մեթոդներով ազատագրել հայ ժողովրդին թուրքական լծից, իսկ հեռավոր նպատակը՝ սոցիալիզմի կառուցումը: Նման մոտեցումն, ըստ էության, ընդհանուր ոչինչ չունեւ մարքսիզմի հետ: Հնչակյանների ծրագրում որպես նպատակ նշվում էր «Հեղափոխել և ոչնչացնել միապետական կարգերը, փրկել հայ ժողովուրդն իր ընդհանուր ստրկական դրությունից... ստեղծել քաղաքական պայմաններ, որոնք աշխատավոր դասակարգին միջոց տան ազատ կերպով արտահայտելու իր ձգտումներն ու պահանջները... դուրացնելու նրա այն բոլոր հասարակական քանքերը, որոնք պետք է ամեն տրամադրելի հասարակական պայմանների միջոցով նպաստեն նրա առաջխաղացությանը զեպի հեռավոր նպատակը»⁷⁹:

Հնչակյանները փաստորեն ձգտում էին Թուրքիայի, Պարսկաստանի և Ռուսաստանի հայկական շրջաններից ստեղծել մի պառլամենտական պետություն, որի մեջ պետք է մտնեին նահանգական ինքնավար մարզերն ընդհանուր բնութական իրավունքով: Այս գաղափարը համահնչուն էր լիբերալ-բուրժուական տեսակետին: Նման կարգեր ստեղծելուց հետո հասկանալի չէր, թե «Հեռավոր» կոչվող նպատակը՝ սոցիալիզմը, ինչ ձևով պետք է իրականացվեր:

75 «Հնչակ», 1891, № 14, էջ 6:

76 «Մրադիր Ս. Գ. Հնչակյան կուսակցության», Լոնդոն, 1897, էջ 32 և հետ.

77 «Die Neue Zeit», 1895—1896, էջ 501:

78 Տե՛ս «Հնչակ», 1891, № 16:

79 «Մրադիր Ս. Գ. Հնչակյան կուսակցության», էջ 5:

Օթն հայկական որոշ շրջաններ մեծ հույսեր էին կապում 61-րդ հոգվածի հետ և առհասարակ քաբողում էին եվրոպամոլություն, ապա «Հնչակը» մերկացնում էր եվրոպական դիմանադիտության շահամուլությունն ու զաղութարարական քաղաքականությունը։ Բայց այդ երկար շտեկը։ Իրեն հատուկ երկվության մեջ «Հնչակը» շուտով կառնեց 61-րդ հոգվածին և սկսեց գովաբանել այն։ Իրեն սոցիալիստ կոչող Ռուբեն հանազատյանը կուսակցության հանձնարարության մեջ 1891 թ. Փնեից մեկնում է Երուսաղեմ, սուլթանի կողմից այնտեղ արքայազն Մկրտիչ Երիզանյանի եվրոպա փոխադրելու և ապա Հայաստանում նրան հեղափոխական շարժման գլուխ կանգնեցնելու նպատակով⁸⁰։ Երիզանյանը, սակայն, ընդառաջ չգնաց նրանց՝ ըստ էության արևածախնդրական ծրագրին։ Նախազատը, որ իր հիշողությունները գրել է «Հնչակյան կուսակցությունից հեռանալուց հետո, իրենց գործունեությունը «երիտասարդ մոլորություններ» է համարում։

(Հնչակյանները արևմտահայերի ազատության միակ ելքը համարում էին ապստամբությունը, որը, սակայն, ըստ նրանց, իրականացվելու էր ազգայնական սկզբունքներով, հաշվի չէր առնվում այն իրավիճակը, որ հայերն ամենուր ապրում էին մեջ ընդ մեջ, շրջապատված թուրք, քուրդ և այլ ազգերով։ Հայկական շարժումները մյուս ճնշված ժողովուրդների պայքարից անջատելու և հայերի համար առանձին բարենորոգումներ պահանջելը, ինքնուրույն բռնամական տրամադրություն էին ստեղծում հարևանների շրջանում։ Անտեսելով այդ ամենը, հնչակյանները կոչ էին անում մտնել ժողովրդի մեջ, կազմակերպել նրան և ապստամբություն բարձրացնել։ Նրանք ելնում էին բակունիսյան այն սկզբունքից, թե ժողովրդին պետք է ապստամբելու ազդանշան տալ և նա ինքը գիտի, թե հետո ինչ պետք է անի։ Հնչակյանների ապստամբական ծրագրին անարխիստական սկզբունքի վրա էր կառուցված։)

Բնորոշ է և այն, որ սկզբում հնչակյանները, ղեմ լինելով եվրոպական տերությունների միջամտությանը, հետագայում իրենք էին որոնում այդ միջամտության հնարավորությունները։ Երբ 1890 թ. հունիսի 18-ին տեղի ունեցած էրզրումի հայերի և թուրքական զորքերի ընդհարումը եվրոպական դիմանադետներն անտարբերությամբ ընդունեցին, հնչակյանները Ռ. հանազատին ուղարկեցին Կ. Պոլիս այնտեղ ցույց կազմակերպելու «հենց սուլթանի մայրաքաղաքում, ղեկավարների թիվ տակ»։ Դուռ-Գափուի ցույցը տեղի ունեցավ 1890 թ. հուլիսի 15-ին, բայց հանազատը, կազմակերպելով ցույցը, զրա նախօրյակին հեռացել էր Կ. Պոլիսից, և այն սկսվեց նրա բացակայությամբ։ Յուրեղ վերջացավ անհաջողությամբ և Արզուլ Համիդ II-ին նոր առիթ տվեց ուժեղացնելու հայաճանաչներն ու ջարդերը հայ աշխատավորների նկատմամբ։

Ստեղծված ներքին և արտաքին պայմանները գնալով ծանր վիճակ էին ստեղծում հայ ժողովրդի համար։ 90-ական թվականներին սուլթանի կողմից կազմակերպված հայկական ջարդերը շուրջ 300000 մարդկային զոհեր խլեցին արևմտահայերից, միաժամանակ պատճառ դառնալով նրանց զանգվածային արտագաղթի գնալի Բալկանյան երկրներ, եզիպտոս ու Ամերիկա։ Այդ ամենը խոր պառակտում առաջացրեց հնչակյան կուսակցության շարքերում։ 1896 թ. խոչընդոտ կայացած հնչակյանների առաջին ընդհանուր ժողովում արևմտահայ ապստամբավորների մեծ մասը լքեց կուսակցության շարքերը։ Անցնելով

⁸⁰ Տե՛ս Ռ. Խանազատ, Հիշողություններ Երիզանյանի մասին, Քիֆիս, 1908, էջ 30։

լիբերալ ունիորմիզմի կողմը, հնչակյան այդ պատգամավորներն անշատվեցին Ավ. Նազարբեկյանի զխավորած հին հնչակյաններից՝ հանդես գալով հետագայում որպես «լիբերալազմյալ» հնչակյանների կուսակցություն, իրենց գործունեության կայան դարձնելով Եգիպտոսը, 1897 թ. «լիբերալազմյալները» հրատարակեցին «Մարտ» օրգանը, իսկ 1898 թ. լոնդոնում՝ «Նոր կյանք» պարբերականը:

Հին հնչակյանների և «լիբերալազմյալների» ներկուսակցական տարաձայնությունները թնայեա սրվել էին կուսակցության ծրագրի սոցիալիզմին թեր և դեմ ուղղությունների շուրջը, սակայն իրապես պայքարը տեղի էր ունենում կուսակցության լիբերալ և դեմոկրատական կողմնորոշում ունեցող հատվածների միջև: Փաստորեն պատգամավորական ժողովի մեծամասնությունը դժգոհ էր կուսակցական կենտրոնի ղեկավարությունից, աչքի առաջ ունենալով զըլխավորապես Հայկական հարցի լուծման առաջ ստեղծված քաղաքական փակուղին: Հնչակյանները թարգմանեցին և հրապարակեցին Կ. Մարքսի և Ֆ. էնգելսի մի շարք աշխատություններ: Նրանք իրենց հայտարարում էին սոցիալիստներ, սակայն սոցիալիզմը նրանց համար հեռավոր նպատակ էր: Դասակարգային պայքարի խնդիրը նրանք շրջանցում էին և առաջնությունը տալիս ազգային հարցին: Ըստ էության մանր-բուրժուական հնչակյան կուսակցություն իր ծրագրային խնդիրն էր համարում «հայկական հեղափոխության» միջոցով և եվրոպական տերությունների օգնությամբ Արևմտյան Հայաստանի ազատագրումը: Այդ նպատակով նրանք կազմակերպում էին հակակառավարական ելույթներ ու ցույցեր, որպեսզի եվրոպական դիվանագիտության ուշադրությունը բեռնվի Հայկական հարցի վրա: Մինչդեռ հակասովթանական ընդհանուր շարժումից կտրված այդ ելույթները կառավարության կողմից հեշտությամբ ճնշվում, քաղաքավում էին, իսկ եվրոպական դիվանագետները մնում էին դիտողի դերում:

Միաժամանակ հնչակյանների գործունեությունը Կովկասում խանգարում էր բանվոր դասակարգի և աշխատավորության շրջանում ինտերնացիոնալիստական զազափարների կոփմանը և սոցիալական ու ազգային-ազատագրական պայքարի միասնական ճակատ ստեղծելուն:

Անդրկովկասում կապիտալիստական հարաբերությունների զարգացումն ու դասակարգային պայքարի սրումն առաջացրին նոր հակամարտություններ: Պրոլետարական-աշխատավորական մասսաների ելույթներն ու պայքարն աճող ճնշումների ու շահագործման դեմ գնալով ուժեղացավ և հանգեցրեց բուլլոր ճնշվածների միավորմանը ինտերնացիոնալիզմի դրոշի տակ: Շահագործող դասակարգերի և հայ բուրժուազիայի համար նացիոնալիզմը զարգավ դասակարգային պայքարի թուլացնելու, աճող պրոլետարական շարժումները կասեցնելու զինք: Այդ նպատակի համար նա օգտագործում էր մամուլը, հասարակական ու քաղաքական կազմակերպությունները:

• • •

1890 թ. Կովկասում կազմակերպվեց «Հայ հեղափոխականների դաշնակցություն» բուրժուա-նացիոնալիստական կուսակցությունը, որը հանդես եկավ որպես բուրժուազիայի ազգային շահերի պաշտպան: Հայ բուրժուազիան և նրա կուսակցությունը ժողովրդական լայն մասսաների աշակցությունն ստանալու համար իրենց հույսկեցին համազգային շահերի արտահայտիչներ: Դաշնակ-

ցությունը որդեգրեց լիբերալ նարոդնիկության գործնականորեն և հատկապես անարխիստական ամբողջավարտությունն ու տեղորոշ: Նրա հիմնադիրները նարոդնիկությանը հարող Պետերբուրգի և Մոսկվայի ուսումնական հաստատություններում սովորող հայ ուսանողներից էին: Ուսանողներ Ստեփան (Ռոստոմ) Զորյանը և Մարտին Շաֆիրյանը մտադիր էին հիմնել մի կազմակերպություն, որը պետք է զբաղվեր Արևմտյան Հայաստանի ազատագրման խնդրով: Մինչ այդ հայ ուսանողների մեջ տարածված էին արմենականների և հնչակյանների գաղափարները, սակայն հայ ուսանող երիտասարդությունն առավելապես ողևորված էր բուլղարական ազգային-ազատագրական շարժումներով: Բալկանյան ժողովուրդների հայդուկային շարժումը լայն արձագանք էր գտնում հայ ուսանողության շրջանում: Այդ օրինակով հայ ուսանողներն իրենց հավաքություններում քննարկում և ծրագրեր էին կազմում Արևմտյան Հայաստանում հայդուկային շարժում առաջացնելու և հայերին սուլթանի լծից ազատագրելու համար:

Սակայն ուսանողների մյուս խումբը, որ սերտ կապեր ուներ ուսական հեղափոխական շարժման հետ, դիմադրում էր այդ ծրագրին և մերժում անշատ հայկական շարժում սկսելու պահանջը: Նրանք գտնում էին, որ հայերը թվով քիչ են և ռանջատվել Ռուսաստանի հեղափոխական մեծ շարժումից, նշանակում է շեղվել հեղափոխական ճանապարհից և կորստյան մատնվել⁸¹:

Այդ կարծիքին չէր, սակայն, հայ երիտասարդների նարոդնիկական այն խումբը, որ գործում էր Քիֆլիսում: Խմբի մեջ էր Ք. Միքայելյանը, որը Ս. Զավարյանի, Ս. Զորյանի, Մ. Շաֆիրյանի և ուրիշների հետ Քիֆլիսում հիմնադրեց «Հայ հեղափոխական զաշնակցություն» կուսակցությունը: Այդ կազմակերպության համար նացիոնալիստական ամբոխավարական շարժումը, որի ոգին տեղորոշ էր, դարձավ կարևոր խնդիր:

Վ. Ի. Լենինը «Ռուսական սոցիալ-դեմոկրատների խնդիրները» աշխատության մեջ նշել է, որ «Նարոդովոլականի համար քաղաքական պայքարի հասկացողությունը նույնական է քաղաքական դավադրության հասկացողության հետ... Բլանկիզմի, դավադրականության ավանդույթները նարոդովոլականների մոտ սարսափելի ուժեղ են, այնքան ուժեղ, որ նրանք քաղաքական պայքարը չեն կարող պատկերացնել այլ կերպ, քան քաղաքական դավադրության ձևով»⁸²: Նա դեռևս 1897 թ. նշում էր «որ դավադրությունների ժամանակը վաղուց անցել է, որ քաղաքական պայքարը դավադրության հանգեցնել՝ նշանակում է մի կողմից այն անշափ նեղացնել, իսկ մյուս կողմից ընտրել պայքարի ամենամահաջող ձևերը»⁸³: Այդ հարցին Վ. Ի. Լենինն անդրադարձավ նաև ՌՄԴԿԻ II համագումարի բանաձևերի նախագծում: Նա գրում էր, որ տեղորոշ «բուլղա քաղաքական պայքարի եղանակ, որը վերին աստիճանի աննպատակահարմար է ներկայումս, լավագույն ուժերին կտրում է կազմակերպական և ազդեցություն... աշխատանքից, բացառում է հեղափոխականների կապը բնակչության հեղափոխական դասակարգերի մասսաների հետ, թե՛ իրենց իսկ հեղափոխականների և թե՛ ընդհանրապես բնակչության մեջ ամենամիուր պատ-

81 Առ. Քուրբանջյան հեղափոխության գաղափարաբանությունը, հ. Բ, էջ 9:

82 Վ. Ի. Լենին, ԾԺ, հ. 2, էջ 573—574:

83 Նույն տեղում:

կերպացումներ է տարածում ինքնակալության դեմ պայքարի խնդիրների ու եղանակների մասին⁸⁴։

1891 թ. մայիսից սկսեց լույս տեսնել դաշնակցության օրգան «Դրոշակ» թերթը։ Նրա ընդարձակ առաջնորդողում բացատրվում էր այդ կուսակցության նպատակը՝ ազատագրել հայ ժողովրդին թուրքական լծից։ Դատողություններ էին արվում այն մասին, թե հայ ժողովրդի ազատագրությունը հնարավոր չէ ապահովել սոսկ դիվանագիտական ճանապարհով, Գտնում էին, որ անհրաժեշտ է դիմել նաև ապստամբության։ Միաժամանակ թերթը հանդես էր գալիս որպես սոցիալիստական գաղափարների կատարի թշնամի և մերժում Արևմտյան Հայաստանում այդ գաղափարների տարածման հնարավորությունները։ Եթե հնչակյանները սոցիալիզմն ընդունում էին որպես հեռավոր նպատակ, ապա դաշնակցականները ի սկզբանե հանդես էին գալիս մարքսիզմի և սոցիալիստական ուսմունքի դեմ։ Հայ կապիտալիստներ Ա. Մատուլյանը, Ա. Մանթաշյանը և ուրիշներ դաշնակցությանը նյութապես սատարելու իրենց խոստումը պայմանավորում էին այն պահանջով, որ այդ կուսակցությունը հետամուտ չլինի սոցիալական խտրականության⁸⁵։

Կուսակցության ղեկավարությունը պաշտպանում էր այն հայացքը, թե ազգության դասակարգային շահերը նահանջում են նրա ընդհանուր շահերի առաջ։ Եվ պատահական չէ, որ «Մանիֆեստ» կոչված իր կողմ դաշնակցությունն ուղղում էր հայ հասարակության բոլոր խավերին, հորդորելով նրանց կանգնել մի միասնական դրոշի տակ։ Կապեր որոնելով հայ բուրժուազիայի հետ և նյութական ակնկալություններ ունենալով նրանից, դաշնակցականները համագործակցության հրավեր էին հղել նաև հայկական լիբերալիզմի հեղինակավոր պատմադրուհի Գր. Արծրունուն։ Թիֆլիսում հնչակյաններ Բ. Խանազատյանը և Հ. Մեղավորյանը ոչ միայն միացան նորաստեղծ դաշնակցությանը, այլև Օդեսայում ու Բուլղարիայում գործելիս հանդես եկան որպես դաշնակցության անդամներ, մինչև որ 1891 թ. հնչակյան կենտրոնը չեղյալ հայտարարեց կուսակցությունների միավորման մասին դաշնակցությանը տված նրանց համաձայնությունը։

«Հայ հեղափոխականների դաշնակցությունը» կազմակերպվեց ոչ միայն վերստեղծված նարոդնիկների և լիբերալների համագործակցությամբ, այլև պահպանողականների աջակցությամբ՝ ինչպիսիք էին Ս. Թարխանյանը, Ս. Հախումյանը և ուրիշներ։ 1892 թ. ամռանը՝ Թիֆլիսում կայացած կուսակցության ընդհանուր անդրանիկ համագումարում նախագահ ընտրված Լ. Սարգսյանը, հանդես գալով հաշվետու զեկուցումով, պահանջում էր առաջիկայում և մնալ ազգայնական քաղաքականության դիրքերում։ Համագումարը խրախուսելի համարեց տեղական կազմակերպության մարտական նախաձեռնությունը, այն չկաշկանդելով կենտրոնի մշակած պլաններով և հրահանգներով։ Դրանով սանձազերծվում էին տեղական խմբերի անարխիստական դործողությունները, խրախուսելով նրանց կազմակերպած ահաբեկումները ևնահրաժեշտ համարվեց ընդունել զինապահեստների պայթեցնելու, կամուրջներ ավերելու, իշխանության ապարատը կազմալուծելու տակտիկան՝ թուրք կառավարությանը պիչուտների հարկադրելու նպատակով, Երրեմեի նարոդովոլոյի Հ. Լորիս-Մե-

84 Վ. Ի. Անկե, Եժ, հ. 7, էջ 316։

85 ՏՃ՝ «Հայրենիք» ամսագիր, 1927, № 2, էջ 116։

լիքյանն առաջարկում էր սուլթանի ապարանքը կործանելու նպատակով պատ-
րաստել ռումբերով լի մի օդապարիկ: Ընթացքովում էր, որ նման ակտը կարող
էր Բեռլինի պայմանագրի 61-րդ հոդվածն իրագործելու հարկադրանք դառնալ
մեծ տերությունների համար:

Ահաբեկչական գործունեության գաղափարը եռանդուն պաշտպանություն
գտավ, մասնավաճ, Տիգրան Օրենյանի և Արամ Արամյանի կողմից: Արամ
Արամյանը, նույնպես մերժելով ընդհանուր ապստամբության գաղափարը,
շեշտում էր պարտիզանական կոլիվների և անհատական տեղորի անհրաժեշ-
տությունը: Միաժամանակ համագումարը գտնում էր, որ ծրագրում խոսք
չպետք է լինի «սոցիալիզմի» մասին, քանի որ «Հայաստանի քաղաքական ու
տնտեսական ազատության» պահանջը բավական է հնչակյանների հետ միու-
թյուն ստեղծելու համար:

Դաշնակցության ծրագրային սկզբունքները մշակվեցին 1890—1894 թվա-
կանների ընթացքում: Նախապես ծրագրային իրենց նպատակը համարելով
ապստամբության միջոցով «Տաճկահայաստանում ձեռք բերել քաղաքական և
տնտեսական ազատություն», հետագայում դաշնակցությունը նահանջեց այդ
դիրքերից և սահմանափակվեց սահմանադրական Թուրքիայի կազմում արև-
մուտահայերի համար տեղական ինքնավարության պահանջով միայն: Գալով
ապագա Հայաստանի քաղաքական կարգերին՝ ծրագիրը շեշտում էր բաժնե-
կալարական կառավարություն՝ ունենալու պահանջ:

Երագրի անորոշ դարձվածքների հեղեղատում սոցիալիզմի խնդիրը բո-
լորովին անտեսված էր: Երագրին անտեսում էր Արևմտյան Հայաստանում
սաղմնավորվող բուրժուական հարաբերությունները: Նա տարբերություն չէր
տեսնում «փողատիրոջ», «վաճառականի» և «վաշխառուի» միջև: Դրամատի-
կերից նպաստներ ակնկալող ծրագիրը կուսակցության գոները լայնորեն բա-
ցում էր ունեւորների առջև, խտրություն չդնելով հարուստի ու աղքատի, ունե-
վորի և ընչազուրկի միջև: Թեև խոսվում էր հայ գյուղացիության, «համայնա-
կան սեփականության» և «համայնական աշխատանքի» պայլենական ավանդ-
ները պահպանելու մասին, այնուամենայնիվ, հանուն Արևմտյան Հայաստանի
քաղաքական ազատության, ծրագիրը քրտնաջան գյուղացուն չէր տարբերա-
նշում ազգակից հարստահարից: Տիրող կարգերին դիմադրելու համար
Թուրքիայում կարևոր էր համադեմոկրատական ճակատ կազմելու խնդիրը,
սակայն դաշնակցության ազգայնամտությունը հանգեցնում էր հայկական մե-
կուսացած պալքարի գաղափարախոսության: Հրաժարվելով դասակարգային
պալքարի գաղափարից և հորջորջելով իրեն ժողովրդական կուսակցություն,
դաշնակցությունը դառնում էր դասակարգային տարբերությունը մերժող, զուտ
ազգայնական գաղափարախոսություն քաղաքող կուսակցություն:

Ավելի լայն գործունեություն ծավալելու նպատակով, «Դրոշակը» Բիֆ-
լիսից փոխադրվեց Ժնև և Նիմ Բիֆլիսի «Դրոշակը» բացարձակապես մերժում
էր սոցիալիզմի գաղափարը, ապա Ժնևյան «Դրոշակը» սկսում է փնտրավոր-
վել սոցիալիստական ֆրադներով: Սակայն այդ չէր փոխում դաշնակցության
բուրժուանացիոնալիստական էությունը, ոչ էլ այն, որ նրա մեջ էին մտնում
բանվորներ, գյուղացիներ և արհեստավորներ: Վ. Ի. Լենինը Կոմիտեներին II
կոնգրեսում խոսելով բրիտանական բանվորական կուսակցության մասին, նշել
է. «Բհարկը, Բանվորական կուսակցությունը մեծ մասամբ կազմված է բան-
վորներից: Սակայն կուսակցությունն իսկապես քաղաքական բանվորական

կուսակցություն է, թե ոչ—դա կախված է ոչ միայն այն բանից, թե կազմված է արդյոք կուսակցությունը բանվորներից, այլ նաև այն բանից, թե ո՞վ է ղեկավարում նրան, և ո՞րն է նրա գործողությունների ու նրա քաղաքական տակնդրերի բովանդակությունը: Միայն այս վերջինն էլ որոշում է, թե արդյոք մենք մեր առաջ ունենք պրոլետարիատի իսկական քաղաքական կուսակցություն: Այս միակ ճիշտ տեսակետից Բանվորական կուսակցությունը ամբողջովին բուրժուական կուսակցություն է, որովհետև թեև նա կազմված է բանվորներից, բայց նրան ղեկավարում են ռեակցիոներները և այն էլ ամենավատ ռեակցիոներները, որոնք գործում են միանգամայն բուրժուազիայի ոգով. դա բուրժուական կազմակերպություն է, որը գոյություն ունի՝ անգլիական Նոսկենների և Շայդեմանների օգնությամբ բանվորներին սխառնատիկաբար խաբելու համար»⁸⁶:

Լենինյան այս բնորոշումն առավելապես վերաբերում է դաշնակցության, որպես քաղաքական կուսակցության:

Դաշնակցությունը ժխտելով դասակարգային պայքարը, ազգային-ազատագրման խնդիրը դիտում էր սոցիալական հեղափոխությունից անկախ: Հայ ժողովրդի ազատագրման հարցը կապելով իմպերիալիստական տերությունների շարաքանդակ միջամտության հետ, կիրառելով գործունեության արկածախնդրային ձևեր ու միջոցներ, հայերի պայքարն անջատելով ճնշված ժողովուրդների համեղհանուր պայքարից, դաշնակցությունը հայ ժողովրդին կանգնեցնում էր փակուղու առջև: Նրա հրահրած անջատելու իդեոլոգիան, անկախ պայքարի հայանպաստ միջամտության ապարդյուն ակնկալությունները, հայկական ինքնավարություն ստեղծելու անհիմն հույսերը ոչ մի արդյունք չտվեցին, կազմավորեցին հայ ժողովրդի ազատագրական պայքարը: Իր գործունեությամբ դաշնակցությունը հայ բանվորներին և գյուղացիությանը շեղում էր հեղափոխական պայքարի ուղուց, ձախողում նրանց սոցիալական և ազգային-ազատագրական պայքարը, ամբողջովին արտահայտում բուրժուազիայի շահերը: «Կովկասի հայ բուրժուազիան,— գրել է Ստ. Շահումյանը,— բնականորեն «Խաշնակցություն» կուսակցության մեջ տեսնում էր իր հուրազատ գավազին, իր լավագույն դաշնակցին, իր շահերի լավագույն առաջնայունն ու պաշտպանին, և այդ պատճառով բոլոր ուժերով, նյութապես և բարոյապես, աջակցում էր այդ կուսակցությանը»⁸⁷:

Սակայն դաշնակցությունն այդ շրջանում կարողացավ օգտագործել հայ ժողովրդի ազգային զգացումները, թուրքական բիրտ լծից ազատագրվելու նրա բուռն ցանկությունը և իր կողմը գրավել բավական թվով աշխատավորական տարրեր: Դրանց մի մասը, հետո համոզվելով դաշնակցության բուրժուանացիոնալիստական քաղաքականության մեջ, երես թերեց նրանից և կանգնեց հեղափոխական պայքարի ուղու վրա: Ուշագրավ է, որ ազատագրության պայքարի շարքային անդամները նշանակություն չտալով այս կամ այն կուսակցության գործունեությանը, մտահոգված էին միայն և միայն հայ ժողովրդի ազատագրման խնդրով:

Ինչ խոսք, որ արևմտահայ ազգային-ազատագրական շարժումը հայ ժողովրդի ընդերքից էր առնում մարտական իր եռանդն ու թափը: Շարժման

⁸⁶ Վ. Ի. Լենին, Երկեր, հ. 31, էջ 313:

⁸⁷ Ստ. Շահումյան, Երկեր, հ. 1, էջ 369:

առաջնորդի ուժերը հայ գյուղացիական զանգվածներն էին և արհեստավորությունը, որոնց ժողովրդուրս նկատմամբ ֆեոդալները ազատագրական շարժման մարտական ուժն էին։ Ազգային-ազատագրական շարժման բուն նպատակը հողային հարցի լուծումն ու սոցիալական ազատագրումն էր։

Անշուշտ Թուրքիայի տնտեսական-քաղաքական հետամնացությունը, երկրում բնակվող ժողովուրդների կուլտուրական մակարդակի խիստ տարբերությունները, տիրող բռնապետական կարգերի դեմ համադեմոկրատական շարժման բացակայությունը այն օբյեկտիվ պատճառներն էին, որ արևմտահայերի ազատամարտը դնում էին ծանր կացության մեջ։ Իհարկե, կուսակցությունները չեն մեղավոր թոր հայ ժողովրդի պատմական վիճակը այդքան անազորուն է, ոչ մի կուսակցություն չի կարող դժոգքը դրախտ դարձնել, — ասում է Ստ. Շահումյանը, — բայց կուսակցությունները ստեղծվում են հենց նրա համար, որ ըստ կարելույն լավացնեն ժողովրդի դրությունը, որ խելացի կերպով առաջնորդեն մասսաներին և տանեն նրանց ազատության ճանապարհով»⁸⁸։ XIX դարի վերջին XX դարի սկզբներին արևմտահայերի ազատագրական շարժման դրոշմ պարզած կուսակցությունները, այդ թվում մասնավորապես դաշնակցությունը, իրոք, չկարողացան խելացիորեն առաջնորդել ժողովրդական զանգվածներին ազատության ճանապարհով։

⁸⁸ Ստ. Շահումյան, ԵԼԺ, հ. 3, Երևան, 1976, էջ 48։